

ditionali, vel etiam cum forma subiunctiva, licet rarius. Quid simile locum habet etiam in lingua latina, in qua interrogatio fit per verbum indicativi modi: *quodnam est tuum nomen?* ; dum citra interrogationem usurpatur verbum subiunctivi modi: *nescio quodnam sit tuum nomen*. Accipe schema.

nkaklik, <i>si sit tuum</i>	kaas nakaklik, <i>quodnam</i>
<i>nomen</i>	<i>sit tuum nomen</i>
nisnilsuk, <i>si sit illud</i>	kaas nisnilsuk, <i>quodnam</i>
<i>quod bonum est</i>	<i>sit illud quod bonum est</i>
nkaka, <i>si ita se</i>	kaas nakaka, <i>quomodo</i>
<i>habet</i>	<i>se habeat</i>
inkas, <i>si sit tantum</i>	nakas, <i>quantumnam sit</i>
niksa, <i>si tot sint</i>	naksa, <i>quotquot sint</i>
nkakiltsgamal, <i>si ibi</i>	kaa nakakiltsgamal, <i>ubinam</i>
<i>oraveris</i>	<i>oraveris</i>
kaswusalip, <i>si tunc</i>	kaas nakawusalip, <i>quando</i>
<i>mortuus sit.</i>	<i>nam mortuus sit.</i>

Vides etiam formas *nakas* et *naksa* aequivalere formis *kaas nakas*, *kaas naksa*.

Superius diximus usurpari formam subiunctivam verbi cum particula *kaa* e. g. *ukaupgani kaa ulakakna, nescio quomodo me geram*; ubi *ulakakna* est subiunctivum verbi *ukaknani, ita me gero*.

Sed et aliam significationem habet particula *kaa* citra interrogationem. Dum sermo fuit de pronominibus, monuimus particulam *kalla* esse ipsum pronomen *aliquis* coaretatum ad personam, *kapsin* vero esse ipsum pronomen *aliquid* dictum de persona vel de re secundum suam essentiam. Dicendum autem est particulam *kaa* esse ipsum pronomen *aliquid*, quod tamen dicitur de illis tantum rebus quae continentur sub quinque supremis generibus, ad quae particula *kaa* se porrigit. Verum discrimen aliquod est, et in eo est quod *kalla* et *kapsin* significant *aliquis*, *aliquid* independentem a verbo; dum *kaa* communiter coniungitur cum forma verbi conditionali, et cum ea significat, *si aliquis*, *si aliqua*, *si aliquid*. Exempla

kaas nakaklik, <i>si quod sit eius nomen</i>
kaas nisnilsuk, <i>si quod sit illud quod bonum est</i>